

INUIT ATAQATIGIIT

Inatsisartuni



22. februar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Kangerlussuup Narsarsuullu siunissami inuussutissarsiornikkut suliffissatigullu annaasaqannginnissaat siunertaralugu suliaqartussatut taaneqarlutik suleqatigiissitat pilersinneqartut suna anguniagassarivaat?**
- 2. Suleqatigiissitat qaammat januarip 18-ani naammassisussatut oqaatigineqartut suliannik naammassinippat?**
- 3. Kangerlussuarmi aamma Narsarsuarmi mittarfiit atorunnaarnerisa millinissaalluunniit tunngavigalugu inuussutissarsioutit nutaat suut pilersinneqarnissaat naatsorsuutaava?**
- 4. Narsarsuarmi Kangerlussuarmilu suliffissat annaaneqartussat pitsaanngitsumik siunniuteqaratarsinnaasut pillugit Naalakkersuisut immikkut suliniutinik suleqatigiissitat avataasigut pilersitsippat?**
- 5. Kangerlussuarmi Narsarsuarmilu suliffissat malunnaatilimmik ikilinissaat inuillu nussornissaat pillugu pilersaarummik Naalakkersuisut ingerlatsippat?**
- 6. Narsarsuup Kangerlussuullu nunaqarfittut matuneqannginnissaannik oqarneq inatsisit malillugit immikkut ittumik nunaqarfiup innuttaasa naalakkersuinikkut iliuseqarfigineqannginnissaannik anguniagaqarluni oqariartuutaava? Taamaangippat iliuitsit suuppat?**
- 7. Kommuni Kujalleq aamma Qeqqata Kommunua Kangerlussuup Narsarsuullu mittarfiisa attatiinnarnissaat siunertaralugu pisortatigoortumik Naalakkersuisunut allakkatigut qisuariaateqarsimappat?**
- 8. Kangerlussuarmi Narsarsuarmilu suliffissat aammalu aningaasat akileraarutitigut kommunit annaasassaat pillugit Kommuni Kujalleq aamma Qeqqata Kommunua Naalakkersuisunut mianersoqqussummik akerliunermilluunniit allagaqarlutik qisuariaateqarsimappat?**
- 9. Narsarsuarmi Kangerlussuarmilu aningaasat kaaviiartinneqartut aningaasarsiornikkullu kommunip isertitarisartagaat mittarfissuit imarpik qulaallugu mittarfiujunnaassappata aningaasat annaaneqartussat pillugit Kommuni Kujalleq aamma Qeqqata Kommunua peqatigalugit Naalakkersuisut misissuisimappat?**
- 10. Kangerlussuarmi Narsarsuarmilu mittarfiit matuneqarnissaat siunertaralugu, suleqatigiissitat pilersinneqartut avataasigut Naalakkersuisut suliarisimasaat suuppat?**

(Inatsisartuni ilaasortaq Aqqaluaq B. Egede , Inuit Ataqatigiit)

Tunngavilersuut:

Suliassaq annertoq aningaasarpassuarnik naleqartoq Naalakkersuisuniit peqqissaarulluinnarlugu ingerlatassaq pillugu apeqquteqarpunga. Soorunami naatsorsuutigaa

Naalackersuisut suliassaq pillugu apeqqutit inuiaqatigiit aningaasaqarnerannut sunniuteqartussaaqisoq sularilluarsimassagaat. Suliaq pitsaasumik sukumiisumillu sularineqarsimappat apeqqutigisakka qulaajareerneqarsimassasut naatsorsuutigaa. Kissaatigaara apeqqutit ullut qulit ingerlaneranni akineqarsimassasut.

Apeqqutit akineqarsinnaanngippata apeqqutitik malitseqartitseqqinnissaq pisariaqassammat neriuutigaa apeqqutit erseqqisumik akineqarnissaat.